

Na osnovu člana 200. Zakona o upravnom postupku („Službene novine Federacije BiH“, br. 2/98 i 48/99) i člana 17 stav 1. Zakona o igrama na sreću („Službene novine Federacije BiH“, br.48/15 i 60/15), a u vezi s članom 7. stav 2. Pravilnika o sadržaju pravila, uslovima i načinu priređivanja nagradnih igara („Službene novine Federacije BiH“, broj 30/16) i prema Rješenju o odobrenju broj: 05-14-2-648/18-T.B. od 07.08.2018.g. izdatog od strane Federalnog ministarstva finansija BiH/Federalnog ministarstva financija BiH, Bosna Bank International d.d. Sarajevo objavljuje

PRAVILA NAGRADNE IGRE

“Poklon bon k'o bombon”

1. ORGANIZATOR

Nagradnu igru Mastercard® i BBI nagrađuju “Poklon bon k'o bombon – Mastercard® BBI kartica po vašoj mjeri” organizira i provodi “Bosna Bank International” d.d. Sarajevo, skraćeni naziv „BBI” d.d. Sarajevo, ID broj: 4200375980006, PDV broj: 200375980006, Trg djece Sarajeva bb, Sarajevo, Bosna i Hercegovina (u daljem tekstu: “Organizator”).

2. TRAJANJE I SVRHA NAGRADNE IGRE

Nagradna igra iz tačke 1. ovih Pravila (u daljem tekstu: „Nagradna igra”) realizovati će se u periodu od 15.08.2018. godine do 15.12.2018. godine, uključujući i 15.12.2018.g. godine do 24:00 sata. Svrha nagradne igre je promocija korištenja Mastercard® kartica BBI banke, kao bezgotovinskog sredstva plaćanja i nagrađivanje povjerenja korisnika.

3. NAGRADNI FOND

Fond za troškove promocije i organizacije obezbjeđuje Bosna Bank International d.d. Sarajevo
Fond za nagrade obezbjeđuje kompanija Mastercard®.

4. UVJETI ZA SUDJELOVANJE U NAGRADNOJ IGRI

U Nagradnoj igri mogu učestvovati sve osobe imaoći Debit Mastercard® i Gold Debit Mastercard® kartica Organizatora (Bosna Bank International d.d. Sarajevo /BBI/) i/ili osobe koje u periodu trajanja nagradne igre postanu korisnici Debit Mastercard® i Gold Debit Mastercard® kartice Organizatora (BBI/) sa prebivalištem na području Bosne i Hercegovine ili u inozemstvu, a koji mogu svoj identitet dokazati validnim dokumentom kao što je pasoš i/ili lična karta izdata u zemlji boravka. Identifikacioni dokument se Organizatoru dostavlja samo u slučaju dobitka određene nagrade.

Osobe zaposlene kod Organizatora ili u kompaniji Mastercard® i njihovi najbliži članovi porodice (supružnici, djeca, roditelji, braća i sestre) - nemaju pravo na učešće.

Korisnici Debit Mastercard® i Gold Debit Mastercard® kartica BBI koji su klasificirani po CRK izvještaju u “C” kategoriju i više zbog dospeljivosti, a neizmirenih obaveza tokom Nagradne igre i u toku izvlačenja nagrada nemaju pravo učešća u Nagradnoj igri.

Ukoliko bilo koju od ponuđenih nagrada dobije maloljetna ili osoba ograničenih sposobnosti, takva osoba nagradu može prihvatiti samo uz odobrenje roditelja ili zakonskog staratelja.

Ukoliko dobitnik bilo koje nagrade ne bude u mogućnosti da istu preuzme može ovlastiti bilo koju osobu da istu preuzme, ali uz uredno ovjerenu izjavu/punomoć kod nadležnog organa (Općina, Notar).

Dobitnik nagrade će biti u obavezi potpisati izjavu da sredstva neće koristiti za nabavku alkohola i alkoholnih proizvoda, svinjskog mesa i prerađevina od svinjskog mesa, duhana i duhanskih proizvoda, kao i za namjene koje su u suprotnosti sa internim aktima Organizatora, označene kao nedopuštene.

Rok za preuzimanje nagrada je 20 (dvadeset) dana od dana objave imena dobitnika nagrade na zvaničnoj web stranici Organizatora (BBI banke) www.bbi.ba.

5. NAČIN UČESTVOVANJA I TOK NAGRADNE IGRE

Pravo da učestvuju u Nagradnoj igri ostvaruju svi korisnici Debit Mastercard® i Gold Debit Mastercard® kartica izdatih od strane Organizatora, koji u toku trajanja nagradne igre u toku jednog mjeseca (od 15. do 15. u mjesecu) izvrše bezgotovinske transakcije na prodajnim mjestima, u BiH i/ili inozemstvu, u ukupnom minimalnom iznosu od 150 KM. Minimalni iznos pojedinačne transakcije iznosi 15 KM.

Svaka bezgotovinska transakcija na prodajnom mjestu jednaka ili veća od 15 KM, odnosno zbir transakcija od 150 KM ili više, u periodu od jednog mjeseca (30 dana), omogućava učešće u Nagradnoj igri. Veći broj transakcija stvara veću vjerovatnoću dobitka mjesečnih nagrada kao i jednu od glavnih nagrada.

Potrošnja ostvarena dodatnom Debit Mastercard® i Gold Debit Mastercard® karticom pribraja se potrošnji glavnog korisnika Debit Mastercard® i Gold Debit Mastercard® kartice, te i na taj način glavni korisnik ima veću mogućnost dobijanja nagrade/nagrada.

Izvlačenje mjesečnih nagrada bit će svakog **zadnjeg četvrtka tekućeg mjeseca za prethodni mjesec (datum poslije 15-tog u mjesecu).**

Dobitnik/ca neke od mjesečnih nagrada učestvuje i u izvlačenju jedne od glavnih nagrada.

Izvlačenje glavnih nagrada (ukupno 6 /šest/) će biti **10.01.2019. godine.**

Učesnici Nagradne igre mogu dobiti samo jednu od glavnih šest (6) nagrada. U slučaju ako se tokom izvlačenja dogodi da bilo koji učesnik bude izvučen kao dobitnik jedne od šest (6) glavnih nagrada drugi put izvlačenje će se nastaviti sve dok svi dobitnici jedne od glavnih šest (6) nagrada ne budu različiti.

6. NAGRADE I OKVIRNA MALOPRODAJNA VRIJEDNOST:

Ukupna vrijednost nagrada za Nagradnu igru iznosiće **KM 30.200,00** sa uračunatim PDV-om.

GLAVNE NAGRADE - poklon bonovi

R Br.	Dobavljač	Broj nagrada	Količina	Jedinična vrijednost nagrade KM	Ukupna vrijednost nagrade KM sa PDV-om	
1.	Poklon bon „AMKO KOMERC“	1	12	mjeseci	600	7.200,00 KM
2.	Poklon bon „BINGO“	1	12	mjeseci	400	4.800,00 KM
3.	Poklon bon „BBI CENTAR“	1	1	Kom	2000	2.000,00 KM
4.	Poklon bon „DOMOD“	1	1	Kom	1000	1.000,00 KM
5.	Poklon bon „IMTEC“	1	1	Kom	1000	1.000,00 KM
6.	Poklon bon „TEHNOMAG“	1	1	Kom	1000	1.000,00 KM
TOTAL		6				17.000,00 KM

MJESEČNE NAGRADE - poklon bonovi

R.Br.	Dobavljač	Broj nagrada	Količina	Jedinična vrijednost nagrade KM	Ukupna vrijednost nagrade KM sa PDV-om	
1.	Poklon bon „AMKO KOMERC“	1	4	mjeseci	500	2.000,00 KM
2.	Poklon bon „BINGO“	1	4	mjeseci	400	1.600,00 KM
3.	Poklon bon „BBI CENTAR“	2	4	mjeseci	300	2.400,00 KM
4.	Poklon bon „DOMOD“	2	4	mjeseci	300	2.400,00 KM
5.	Poklon bon „IMTEC“	2	4	mjeseci	300	2.400,00 KM
6.	Poklon bon „TEHNOMAG“	2	4	mjeseci	300	2.400,00 KM
TOTAL		10				13.200,00 KM

Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. Nagrade nisu zamjenjive za novac. Dobitnici nemaju pravo zahtijevati drugačije nagrade ili nagrade u većim iznosima, od ovih pravilima utvrđenih iznosa. Organizator će nagrade dobitnicima predati uz primopredajni zapisnik.

7. IZVLAČENJE NAGRADA

Izvlačenje dobitnika/ca provest će se slučajnim odabirom putem računara iz liste Učesnika koji su stekli pravo sudjelovanja u Nagradnoj igri i to uz prisustvo tročlane (3 člana) Komisije, koja će se imenovati na mjesečnom nivou, odlukom Organizatora.

Tokom izvlačenja mjesečnih nagrada jedan od članova Komisije će voditi zapisnik koji će sadržavati imena i prezimena članova Komisije za izvlačenje nagrada, mjesto i vrijeme izvlačenja, broj dobitne Mastercard kartice, kao i vrijednost nagrade. Zapisnik potpisuju svi članovi Komisije.

Tokom izvlačenja glavnih nagrada odlukom Organizatora pored članova Komisije za izvlačenje imenovat će se i zapisničar koji će voditi zapisnik koji će sadržavati imena i prezimena članova Komisije za izvlačenje nagrada, ime i prezime zapisničara, mjesto i vrijeme izvlačenja, broj dobitne Mastercard kartice, kao i vrijednost nagrade. Zapisnik potpisuju svi članovi Komisije i zapisničar.

8. IZVJEŠTAJ O DOBITNICIMA I ROK ZA PREUZIMANJE NAGRADA

Nagradna igra se zatvara 15.12.2018. godine u 24:00 sata.

Izvlačenje glavnih nagrada (ukupno šest /6/) će biti 10.01.2019.g.

Organizator je obavezan da imena dobitnika glavnih nagrada (ukupno šest /6/) objavi na svojoj web stranici www.bbi.ba najkasnije do 11. 01. 2019.g. do 16:00 sati.

Dodjela osvojenih nagrada vršit će se:

Mjesečne nagrade

- Primarno u prostorijama Bosna Bank International d.d. Sarajevo, Trg djece Sarajeva bb, 71000 Sarajevo.
- Dodjela mjesečnih nagrada se na osnovu odluke Organizatora može izvršiti i u nekoj od filijala/ poslovnica Bosna Bank International d.d. Sarajevo.

Glavne nagrade

u prostorijama Bosna Bank International d.d. Sarajevo na adresi Trg djece Sarajeva bb, 71000 Sarajevo ili na nekom drugom mjestu u skladu sa odlukom Organizatora. O mjestu dodjele glavnih nagrada dobitnici će biti blagovremeno obavješteni.

Dobitnici su dužni prilikom preuzimanja nagrada potpisati primopredajni obrazac (koji priprema Organizator).

Nagrade se trebaju preuzeti u roku od 20 dana od dana objavljivanja imena dobitnika nagrada.

Dobitnici u ovoj Nagradnoj igri prihvataju uslov da njihovo ime i prezime kao i adresa mogu biti javno objavljeni i da njihov lik Organizator Nagradne igre može koristiti u audio, foto i video materijalima. Prihvatanje nagrade od strane dobitnika daje dozvolu Organizatoru i njegovim agencijama da mogu koristiti ime, prezime i sliku dobitnika nagrade u reklamne ili komercijalne svrhe bez dalje naknade.

Učesnik se odriče prava da traži naknadu bilo kakvog troška dobivanja ili preuzimanja nagrade ili putovanja radi preuzimanja nagrade.

9. PROVJERA PRAVA NA UČEŠĆE

Nagrada će biti uručena samo ukoliko je dobitnik ostvario pravo da učestvuje u Nagradnoj igri i ukoliko u potpunosti prihvata Pravila nagradne igre Organizatora.

10. POREZI, ZAMJENE, PRENOSI I ODGOVORNOST U VEZI S NAGRADOM

Učesnici se slažu da Organizator i pridružena društva, njihova odjeljenja, reklamne, promotivne, distributerske i druge agencije, te njima pridružena društva i svi zaposleni u njima, neće biti odgovorni u vezi s prijemom nagrade, te funkcioniranjem ili upotrebom ovako dobijene nagrade. Učesnici prihvataju da gore navedeni subjekti nisu niti će na bilo koji način biti odgovorni za bilo kakve obaveze, garancije ili jamstva koji bi, bilo po zakonu ili po prirodni stvari, mogli nastati u vezi s bilo kojom nagradom, što uključuje ali se ne ograničava na kvalitet, mehanička svojstva ili prikladnost nagrade.

Organizator je odgovoran za sve poreze, naknade ili dažbine u vezi s nagradom, osim poreza na dohodak dobitnika nagradnih igara u skladu sa važećim zakonskim propisima.

Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

11. OTKAZIVANJE

Organizator ima pravo da jednostrano otkáže Nagradnu igru u bilo kojoj fazi, uz obavještenje ukoliko bi došlo do materijalne povrede ili zloupotrebe Pravila ili događaja koji imaju karakter više sile. Ukoliko bi nastala neka od navedenih okolnosti, Nagradna igra će biti odmah obustavljena jednostranom odlukom Organizatora, neovisno o potrebi za njenim eventualnim objavljivanjem. U tom slučaju neće biti nadoknađeni troškovi, direktna ili indirektna šteta učesnicima u Nagradnoj igri, niti će se Nagradna igra održati.

12. OBAVJEŠTAVANJE

Pravila Nagradne igre bit će objavljena nakon odobrenja Ministarstva finansija BiH za sprovođenje Nagradne igre na web stranici i Facebook stranici Organizatora kao i u jednim dnevnim novinama.

Dobitnici/ce nagrada bit će obavješteni pismenim putem na ličnu e-mail adresu ili telefonski od strane uposlenika Banke, a na osnovu pismenog dokumenta članova Komisije, (potpisanog i protokolanog) o imenima dobitnika nagrade/nagrada.

13. ZVANIČNA PRAVILA NAGRADNE IGRE

Dodatne informacije u vezi sa ovim Pravilima mogu se dobiti pozivom na besplatni info telefon broj 0800 200 20 od ponedjeljka do petka od 8:00 do 16:30 sati. U slučaju bilo kakvog spora nadležan je Općinski sud u Sarajevu.

Za Organizatora:
Bosna Bank International d.d. Sarajevo